

- c) dokaz o troškovima odbrane ukoliko istim raspolaže (ugovor sa advokatom, punomoć za advokata i sl.);
 - d) prijava mjesta prebivališta-boravišta;
 - e) kućna lista;
 - f) potvrda banke o otvorenom računu.
- (2) Dokazi iz stava (1) ovog člana dostavljaju se u originalu ili kopiji ovjerenoj od nadležnog općinskog organa i ne mogu biti stariji od šest mjeseci od dana podnošenja zahtjeva izuzev dokaza iz tačke b) čije kopije nije potrebno ovjeravati.
- (3) Za potrebe odlučivanja o dodjeli jednokratne pomoći u plaćanju troškova u procesu odbrane, ministar formira posebnu komisiju, čiji je zadatak da ocjeni da li podnosilac zahtjeva ispunjava uvjete za dodjelu ove vrste pomoći, te da predloži ministru visinu iznosa jednokratne novčane pomoći, uz obrazloženje prijedloga.
- (4) Komisija iz stava (3) ovog člana broji najmanje tri člana od čega najmanje jedan član mora biti advokat sa iskustvom u istim ili sličnim predmetima, diplomirani pravnik i najmanje jedan član kandidovan ispred "Koordinacionog odbora boračkih organizacija Kantona Sarajevo".
- (5) Zadatak komisije iz stava (3) ovog člana je da u skladu sa propisanim kriterijima i procedurama utvrđenim ovim pravilnikom izvrši obradu prispjelih zahtjeva i sačini prijedlog odluke o dodjeli sredstava za pružanje pravne i druge pomoći u korist osumnjičenih i optuženih bivših pripadnika Oružanih snaga RBiH u predmetima ratnih zločina do pravosnažnosti presude.
- (6) Komisija iz stava (3) ovog člana donosi poslovnik o radu komisije kojim se uređuje administrativni-tehnički način rada komisije, način odlučivanja, kvorum i druga pitanja od značaja za rad komisije.
- (7) Objavljivanje odluka o dodjeli sredstava vrši se na internet stranici Ministarstva.
- (8) Za lica koja ne ispunjavaju uvjete za dodjelu jednokratne novčane pomoći u plaćanju troškova u procesu odbrane u skladu sa ovim pravilnikom komisija donosi odluku o odbijanju zahtjeva, sa navođenjem pravnog osnova i razloga za odbijanje istih. Protiv ove odluke može se izjaviti žalba ministru u roku od 15 dana od dana objavljivanja obavještenja u dnevnom listu koji se i distribuira na području Federacije BiH. Rješenje koje ministar donese po žalbi je konačno, a protiv njega se može pokrenuti upravni spor.

Član 32.

(Lica koja ne mogu ostvariti jednokratnu novčanu pomoć u plaćanju troškova u procesu odbrane)

Pravo na jednokratnu novčanu pomoć u plaćanju troškova u procesu odbrane ne mogu ostvariti lica protiv kojih je donesena pravosnažna presuda za počinjene ratne zločine i lica kod kojih su evidentirane okolnosti iz člana 36. Zakona o pravima branilaca i članova njihovih porodica.

Član 33.

(Visina jednokratne novčane pomoći u plaćanju troškova u procesu odbrane)

Visina jednokratne novčane pomoći u plaćanju troškova u procesu odbrane utvrđuje se na osnovu dostavljenog zahtjeva (obuhvat optužnice, vrste odgovornosti, zasluga podnosioca zahtjeva, visina troškova i sl.) i ocjene komisije iz člana 31. stav (3) ovog pravilnika, a u skladu sa budžetskim sredstvima predviđenim za ovu namjenu.

DIO ČETVRTI - PRELAZNE I ZAVRŠNE ODREDBE

Član 34.

(Izvjestavanje)

Ministarstvo informiše Vladu Kantona Sarajevo o sredstvima utrošenim za ovu namjenu u okviru godišnjeg izvještaja o radu Ministarstva.

Član 35.

(Neobjavljivanje odobrenih iznosa)

U odlukama o ispunjavanju uvjeta, odnosno o dodjeli sredstava koje se objavljuju na info-punktu i internet stranici Ministarstva za ostvarivanje svih vidova jednokratnih novčanih pomoći iz ovog pravilnika ne objavljuju se odobreni iznosi radi poštivanja odredbi Zakona o zaštiti ličnih podataka ("Službeni glasnik Bosne i Hercegovine", broj 12/25).

Član 36.

(Prestanak važenja ranijeg propisa)

Danom stupanja na snagu ovog pravilnika prestaje da važi Pravilnik za utvrđivanje prava na dodjelu jednokratne novčane pomoći ("Službene novine Kantona Sarajevo", br. 7/24 i 20/24 - Ispravka).

Član 37.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 06-02-11545/25

14. aprila 2025. godine

Sarajevo

Ministar

Dr. sc. **Omer Osmanović**, s. r.

Na osnovu člana 66. st. 1. i 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 47. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", br. 31/22, 8/24 i 13/25), ministar za boračka pitanja Kantona Sarajevo donosi

INSTRUKCIJU**O IZMJENAMA INSTRUKCIJE O NAČINU IZVRŠENJA
UPRAVNIH I STRUČNIH POSLOVA U POSTUPKU
ODLUČIVANJA O PRAVU NA NAKNADU TROŠKOVA
DŽENAZE-SAHRANE**

Član 1.

(Izmjena člana 1.)

U Instrukciji o načinu izvršenja upravnih i stručnih poslova u postupku odlučivanja o pravu na naknadu troškova dženaze-sahrane ("Službene novine Kantona Sarajevo", br. 39/22 i 12/24) u članu 1. riječ i brojevi "br. 31/22 i 8/24", zamjenjuju se riječju i brojevima "br. 31/22, 8/24 i 13/25".

Član 2.

(Izmjena člana 3.)

Član 3. mijenja se i glasi:

"Član 3.

(Uvjeti za ostvarivanje prava)

- (1) Članovi porodice odnosno lica koje je snosilo troškove dženaze- sahrane za lica iz člana 1. Zakona sa područja Kantona Sarajevo, ima pravo na naknadu troškova dženaze-sahrane čiji osnov za usklađivanje su tri prosječne neto plaće zaposlenih u Federaciji BiH iz prethodne godine, pod uvjetom da ovo pravo nisu ostvarili po drugom osnovu pritom izuzimajući jednokratne novčane pomoći za slučaj smrti koje ne prelaze iznos od dvije prosječne neto plaće zaposlenih u Federaciji Bosne i Hercegovine iz prethodne godine.
- (2) Iznos naknade troškova dženaze-sahrane na prijedlog ministra utvrđuje Vlada Kantona Sarajevo svojom odlukom najmanje jedanput godišnje, u skladu sa raspoloživim budžetskim sredstvima, pri čemu iznos naknade troškova dženaze-sahrane po potrebi može biti i manji uz primjenu koeficijenta za obračun. Ukoliko dođe do umanjenja iznosa naknade troškova dženaze-sahrane isti ne može biti manji od onog koji je ostvaren u prethodnoj godini. Donijeta odluka Vlade Kantona Sarajevo o

- utvrđivanju visine iznosa naknade troškova dženaze-sahrane važi do donošenja odluke naredne godine.
- (3) Pravo iz stava (1) ovog člana, mogu ostvariti i lica koja snose troškove dženaze-sahrane za djecu šehida, poginulih, umrlih i nestalih branilaca, bez obzira da li ostvaruju pravo na porodičnu invalidninu u skladu sa federalnim zakonom.
- (4) Ratni vojni invalidi mogu ostvariti pravo na naknadu troškova dženaze-sahrane samo za članove uže porodice (bračni drug, djeca i roditelji) koji su živjeli sa njim u zajedničkom domaćinstvu, a što se dokazuje uvjerenjem o kretanju za ratnog vojnog invalida i potvrdom o identitetu za umrlo lice.
- (5) Naknada troškova dženaze-sahrane se može odobriti i za članove porodice umrlih ratnih vojnih invalida, koji su ostvarili pravo na porodičnu invalidninu.
- (6) Ukoliko troškove dženaze-sahrane za lica iz člana 1. Zakona sa područja Kantona Sarajevo snosi pravno lice troškovi se priznaju u visini stvarnih troškova, a najviše do iznosa utvrđenog odlukom Vlade Kantona Sarajevo iz stava (2) ovog člana.
- (7) Ukoliko umrlo lice iz člana 1. Zakona sa područja Kantona Sarajevo nema članova porodice odnosno nikoga ko bi snosio troškove dženaze-sahrane, nadležna općinska služba uz osiguranje dokaza o mogućnosti ostvarivanja ovog prava (o smrti, prebivalištu i boračkom statusu), od ukopnog društva i odgovarajuće vjerske zajednice traži da organiziraju nužni, odnosno uobičajeni ukop na gradskom groblju, te istim priznaje stvarne troškove dženaze-sahrane, a najviše do iznosa utvrđenog odlukom Vlade Kantona Sarajevo iz stava (2) ovog člana.
- (8) Pravo na naknadu troškova dženaze - sahrane podnosilac zahtjeva ostvaruje i za umrlo lice koje je redovno plaćalo članarinu odgovarajućoj vjerskoj zajednici ili pokopnom društvu, odnosno ukoliko prema računu/aktu odgovarajuće vjerske zajednice ili pokopnog društva nije bilo troškova dženaze - sahrane.
- (9) Pravo na naknadu troškova dženaze-sahrane ne može ostvariti lice koje je po osnovu umrlog lica iz člana 1. Zakona ostvarilo pravo na naknadu troškova dženaze-sahrane po drugom osnovu npr. kao pravo koje proističe iz radnog odnosa, pravo ostvareno od drugog nivoa vlasti i dr., ili je korisnik jednokratne novčane pomoći za slučaj smrti lica iz člana 1. Zakona koje prelaze iznos od dvije prosječne neto plaće zaposlenih u Federaciji Bosne i Hercegovine iz prethodne godine."

Član 3.

(Izmjena člana 8.)

U članu 8. stav (4) briše se.

Član 4.

(Završne odredbe)

Ova instrukcija stupa na snagu danom donošenja, a objavit će se u "Službenim novinama Kantona Sarajevo".

Broj 06-02-11885/25

11. aprila 2025. godine

Sarajevo

Ministar

Dr. sc. **Omer Osmanović**, s. r.**GRAD SARAJEVO****Gradonačelnica**

Na osnovu člana 8. stav (1) i člana 10. Odluke o izvršavanju Budžeta Grada Sarajeva za 2025. godinu ("Službene novine Kantona Sarajevo", broj 2/25), a u vezi sa članom 2., 3. i 4. Pravilnika o kriterijima za korištenje sredstava iz tekuće rezerve Budžeta Grada Sarajeva ("Službene novine Federacije BiH", broj 60/13), gradonačelnik Grada Sarajeva donosi

ODLUKU**O ODOBRAVANJU IZDVAJANJA SREDSTAVA IZ
TEKUĆE REZERVE BUDŽETA GRADA SARAJEVA ZA
2025. GODINU****I**

Iz Tekuće rezerve Budžeta Grada Sarajeva za 2025. godinu ("Službene novine Kantona Sarajevo", broj 2/25) sa ekonomskog koda 600 000 - "tekuća rezerva" odobrava se izdvajanje sredstava u ukupnom iznosu od **3.700 KM**, na poziciju:

Tekući transferi neprofitnim organizacijama

614300 GAA019 Pomozi. ba u iznosu 3.700 KM

II

Za realizaciju ove Odluke zadužuju se Gradska služba za lokalno poslovanje i Gradska služba za finansije.

III

Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01/07-11-2306-2/25

07. aprila 2025. godine

Sarajevo

Gradonačelnik

Grada Sarajeva

Predrag Puharić, s. r.**OPĆINA CENTAR SARAJEVO****Općinski načelnik**

Na osnovu člana 25. stav (3) Uredbe sa zakonskom snagom o ustanovama ("Službeni list R BiH", br. 6/92, 8/93 i 13/94), člana 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13), člana 69. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), člana 9. Odluke o standardima i kriterijima za imenovanje na pozicije u reguliranim organima koja vrši Općinski načelnik Općine Centar Sarajevo ("Službene novine Kantona Sarajevo", broj 50/17 i 51/23), općinski načelnik donosi

RJEŠENJE**O KONAČNOM IMENOVANJU ČLANA UPRAVNOG
ODBORA JAVNE USTANOVE CENTAR KULTURE I
MLADIH OPĆINE CENTAR SARAJEVO****Član 1.**

U Upravni odbor Javne ustanove Centar kulture i mladih Općine Centar Sarajevo iz reda zaposlenika imenuje se:

1. Armin Terzimehić, član

Član 2.

Mandat člana Upravnog odbora Javne ustanove Centar kulture i mladih Općine Centar Sarajevo, traje do isteka mandata Upravnog odbora.

Član 3.

Mjesečna naknada za rad članova Upravnog odbora utvrđena je Odlukom o visini naknade za predsjednika i članove upravnih i nadzornih odbora u javnim ustanovama čiji je osnivač Općina Centar Sarajevo ("Službene novine Kantona Sarajevo", br. 21/16, 18/20).

Član 4.

Ovo rješenje stupa na snagu danom donošenja i objavit će se u "Službenim novinama Kantona Sarajevo".

Broj 13-45-189/25

04. aprila 2025. godine

Sarajevo

Općinski načelnik

Srđan Mandić, s. r.

Na osnovu člana 15. Zakona o principima lokalne samouprave Federacije Bosne i Hercegovine ("Službene novine Federacije BiH", br. 49/06 i 51/09), člana 48. stav (3) Zakona o sportu Kantona Sarajevo - prečišćeni tekst ("Službene novine